

Sþ.

287. Fyrirspurnir.

[158. mál]

I. Til heilbrigðismálaráðherra um framkvæmd laga um heilbrigðisþjónustu.

Frá Sigurlaugu Bjarnadóttur.

1. Hvað liður gerð áætlunar þeirrar, sem gert er ráð fyrir í 42. gr. laga nr. 56/1973, um heilbrigðisþjónustu, að heilbrigðisráðuneytið geri í samráði við vegamálastjóra, landhelgisgæslu, flugmálastjóra og landlækni um hvernig best og öruggast verði séð um, að læknar komist frá heilsugæslustöðvum til móttökustaða innan starfssvæðis, svo og um almennt sjúkraflug og neyðarþjónustu?
2. Hefur ráðuneytið leitað samninga við flugfélög um slikefni ferðir eða gerst aðili að rekstri flugvélar eða þyrlu til þessara nota?
3. Hefur ráðuneytið, í samráði við póst- og símamálastjórn, þegar hafið eða undirbúið áætlun um fjarskipta- og símaþjónustu í héruðum landsins, svo að tryggt sé að landsmenn geti náð til læknis án tafar?
4. Hve mikið vantar í dag upp á tilskilinn læknafjölda, samkv. tilvitnuðum lögum, í heilsugæsluumdæmum landsins?

II. Til menntamálaráðherra um Kennaraháskóla Íslands.

Frá Jóni Baldvini Hannibalssyni.

1. Hver er, að mati menntamálaráðuneytisins, árleg kennaraþörf grunnskólans næsta áratug?
2. Hvað er áætlað að Kennaraháskóli Íslands útskrifi marga kennara frá vori 1974 og næstu 4 ár?
3. Hversu margir er ætlað að komi til starfa á grunnskólastigi?

4. Hvað líður störfum nefndar, sem skipuð hefur verið til að endurskoða lög um Kennaraháskóla Íslands frá 16. apríl 1971, nr. 38, 25. gr.? (Þar segir: „Lög þessi skulu endurskoðuð eigi síðar en að tveimur árum liðnum frá gildistöku þeirra.“)
5. Hver er framtíðarstefna yfirstjórnar menntamála að því er varðar kennaramentun í landinu?

III. Til félagsmálaráðherra um heildarlöggjöf um vinnuvernd.

Frá Jóni Baldvini Hannibalssyni.

Hvað líður samningu heildarlöggjafar þeirrar um vinnuvernd, er fyrrv. félagsmálaráðherra, Björn Jónsson, beitti sér fyrir og hæstv. forsrh. lýsti yfir í stefnuræðu sinni s. l. haust að yrði væntanlega lögð fram á þessu þingi?

IV. Til samgönguráðherra um lagningu vetrarvegar um Breiðadalsheiði og tengingu Djúpvegar við þjóðvegakerfi landsins.

Frá Jóni Baldvini Hannibalssyni.

1. Hvenær má búast við niðurstöðum frá Vegagerð ríkisins um tilhögun framkvæmda og kostnaðaráætlun vegna lagningar vegr um Breiðadalsheiði, er tryggt gæti greiðar samgöngur að vetrarlagi milli byggðarlaga við Djúp og vestan heiðar?
2. Hvað líður rannsókn Vegagerðarinnar á vegrstæði er tengi Djúpveg við alþjóðarvegakerfi landsins?

V. Til menntamálaráðherra um málfrelni opinberra starfsmanna og ritskoðunarrétt ráðuneyta á rannsóknarniðurstöðum sérfræðinga.

Frá Jóni Baldvini Hannibalssyni.

1. Er fyrirvaralaus brottvikning dr. Braga Jósepssonar úr starfi á vegum menntamálaráðuneytisins yfirlýsing af hálfu ráðherra og ríkisstjórnar um, að framvegis skuli i gildi tilteknar takmarkanir á málfrelni opinberra starfsmanna, og þá hverjar?
2. Þar sem dr. Braga Jósepssyni er m. a. gefið að sök að hafa dreift skýrslu dr. Arnórs Hannibalssonar um „hjálparkennslu í skyldunámsskólum“ til skólastjóra, ber að skilja það svo, að ráðherra, ráðuneyti og ríkisstjórn áskilji sér framvegis rétt til að ritskoða rannsóknarniðurstöður sérfræðinga, sem taka að sér einstök sérfræðileg verkefni í þágu hins opinbera?

VI. Til fjármálaráðherra um yfirvinnu og aukagreiðslur í opinberum rekstri.

Frá Oddi Ólafssyni.

Hve hárri upphæð námu yfirvinnugreiðslur á árinu 1974:

- a) hjá fjármálaráðuneyti og stofnunum þess,
- b) hjá menntamálaráðuneyti og stofnunum þess,
- c) hjá samgönguráðuneyti og stofnunum þess,
- d) hjá iðnaðarráðuneyti og stofnunum þess,
- e) hjá heilbrigðis- og tryggingaráðuneyti og stofnunum þess?

Hverjar voru heildaryfirvinnugreiðslur ríkissjóðs á árinu 1973?